



Udruženje građana “NEŠTO VIŠE”

PRAVILNIK O ZAŠTITI DJECE

Sarajevo, 17.05. 2023.god

I UVODNE ODREDBE

Član 1.

Pravilnik o zaštiti djece Udruženja građana “NEŠTO VIŠE” (u daljem tekstu: **Pravilnik**) je dokument koji sadrži skup mjera i pravila kojima se doprinosi zaštiti djece u radu Udruženja građana “” (u daljem tekstu: Udruženje).

Svrha ovog Pravilnika je prihvatanje, afirmacija i primjena principa zaštite djece, kako bi njegove odredbe postale ustaljeno ponašanje svih zaposlenika, volontera i saradnika u svakodnevnom radu Udruženja.

Izrazi koji se koriste u ovom Pravilniku, a koji imaju rodno značenje, bez obzira jesu li korišteni u muškom ili ženskom rodu, obuhvataju na jednak način muški i ženski rod.

Član 2.

Ovim Pravilnikom definišu se aktivnosti, mjere i pravila postupanja zaposlenika, volontera i saradnika u cilju zaštite djece, u skladu sa pozitivnim zakonskim i podzakonskim aktima u Bosni i Hercegovini, međunarodnim konvencijama i Child Safeguarding Standardima.

Član 3.(Definicija)

Zaštitom djece, u smislu ovog Pravilnika, podrazumijeva se skup aktivnosti, mjera i politika kojima se sprječava, otkriva i sankcioniše svaka vrsta zlostavljanja, zanemarivanja, eksploatacije ili ugrožavanja dobrobiti djeteta.

Član 4.(Primjena)

Odredbe ovog Pravilnika primjenjuju se na sve zaposlenike, volontere, partnere i saradnike Udruženja.

Član 5. (Principi djelovanja)

- Najbolji interes djeteta
- Nulta tolerancija na zlostavljanje
- Povjerljivost i zaštita identiteta
- Odgovornost i transparentnost
- Učešće djece

II STANDARD 1 – POLITIKA

Član 6. (Politika zaštite djece)

Udruženje ima jasnu i javno dostupnu politiku zaštite djece, koja se redovno ažurira i obavezujuća je za sve članove organizacije i saradnike.

Član 7. (Kodeks ponašanja)

Kodeks ponašanja je sastavni dio politike i uključuje:

- zabranu svih oblika nasilja i zlostavljanja,
- profesionalno ophođenje prema djeci,
- zabranu privatnih i neformalnih kontakata s djecom mimo odobrenih aktivnosti,
- obavezno poštovanje procedura vezanih za fotografisanje, snimanje i korištenje podataka o djeci.

III STANDARD 2 – LJUDI

Član 8. (Odgovornost zaposlenih i volontera)

Svako ko radi sa djecom mora biti upoznat s ovim Pravilnikom. Zaposlenici i volonteri daju izjavu da su razumjeli i da će poštovati odredbe.

Član 9. (Obuke i edukacija)

Udruženje, gdje je primjereno, osigurava obuku o zaštiti djece za sve zaposlene i volontere. Obuke se obnavljaju po potrebi.

Član 10. (Selekcija i provjera kadrova)

Svi kandidati za rad sa djecom prolaze kroz provjeru i selekciju. Udruženje neće angažovati osobu za koju postoje indicije o neprimjerenom ponašanju prema djeci.

IV STANDARD 3 – PROCEDURE

Član 11. (Prijava sumnje na zlostavljanje)

Svako ko ima saznanja ili sumnju na zlostavljanje djeteta dužan je to prijaviti odgovornom licu u Udruženju. - Prijava može biti usmena, pismena ili elektronska.

Član 12. (Postupanje po prijavi)

Odgovorno lice evidentira prijavu i preduzima mjere zaštite djeteta. Ako postoji osnov sumnje na krivično djelo, slučaj se odmah prijavljuje nadležnim institucijama. Dijete i porodica dobijaju potrebnu podršku i upućivanje na nadležne službe.

Član 13. (Prevenција i procjena rizika)

Za svaku aktivnost sa djecom obavezno je uraditi procjenu rizika. Organizacija primjenjuje preventivne mjere kako bi se rizici minimizirali.

V STANDARD 4 – ODGOVORNOST

Član 14. (Odgovornost i nadzor)

Za sprovođenje ovog Pravilnika odgovoran je Izvršni direktor i koji je ujedno (Child Protection Focal Point). Kršenje odredbi Pravilnika povlači disciplinsku i pravnu odgovornost.


Član 15. (Praćenje i evaluacija)

Primjena Pravilnika se prati redovno. Izvještaj o sprovođenju politike podnosi se po potrebi. Politika se revidira svake 2 godine ili po potrebi.

VI ZAVRŠNE ODREDBE

Član 16.

Ovaj Pravilnik stupa na snagu danom donšenja.



Aleksandar Bundalo, Izvršni direktor